



## **TARANAKI PĀTERE**

Ka huri taku aro ki te taihauāuru kureitanga rā

O aku tini waka kei Mōhakatino

Tokomaru tēnā, puta noa ko te tini o Te Atiawa. TI!

Ka huri au ki Ōnukutaipari

Ko te peka tēnā o Kurahaupo

Timata i konā Taranaki iwi nui. TI!

Ka hui ki te wai Pārara-ki-te-Uru

Puta noa ngā iwi o Aotea waka

Kei Patea awa Ko Ngāti Ruanui

Kei Waitōtara ko Rauru kaitangata

Kei Whanganui awa ko te Ati Hau. TI!

Ka mihi au ki Taranaki maunga nui

Taku whakaruruhau nō tuawhakarere

Ōna wai e rere ki a ngoto iho au

Ko Te Ua Haumene me Tohu Kakahi

Ko Te Whiti o Rongomai me Titokowaru. TI!

Ngā puna wai kua ūhia noa ko te puna wai ō tēnei rā  
Kua iri ki te maunga titōhea i rehe o te rangi e rere koutou  
Ki te wai e kore nei e mimiti ahakoa tukitukitia i te poaka  
Mau tonu tana Mana Māori Mana Motuhake. TI!

Rua tawhito ka puta kahui rua

**Rua** te hīhiri

**Rua** te pūpuke

**Rua** te mahara

**Rua te** kōrero

**Rua** te wānanga

**Rua** te manu

**Rua** te tira

Ka moe rā i a Tau Turangi ka puta rā ko Rua Taranaki

Tu mai e kore te maunga kōrero

Ngā kuru pounamu ā ngā tūpuna

I takahi ki te pae ki Wharaurangi

Kia Hinenui rā e Kia Hinenui rā e

(Aha) Kia Hinenui-i-te-pō rā e